



САМУРДИН

ссс

«Магъарамдхуъруън район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 24 (7792) киш, 11 - июнь, 2016- йис. Къимет 6 манат.



Суварин тебрик



ГЪУЪРМЕТЛУ районэгълиър! За квез Россиядин Федерациядин государстводин аслу туширвилин гъакъиндай Декларация къабулай югъ- Россиядин югъ- рикИн сидкъидай мубаракзава.

И лишанлу йикъа чи уълкведин баркаллу тарихда еридин жигъетдай цийи девир башламиш хъун, вирида гъисаба къунвай ивиррал бинеламиш хъанвай общество туькъуьрунал элячун тестикъарзава. Республикадин вири агъалийрихъ галаз санал чи районэгълийрини Россиядин Федерация цуьк акъудзавай государство хъун патал бегъерлувилелди кваллахзава.

Къуй квехъ мягъкем сагъламвал, хушбахтвал, чи Ватандин абадвал патал кваллахра агалкъунар хъурай.

Ф.З. АГЪМЕДОВ,

«Магъарамдхуъруън район»

муниципальный райондин администрациядин къил.

2016 - ЙИСАН
2 - ПАЙ ПАТАЛ

САМУРДИН

ссс

ГАЗЕТДИН
ПОДПИСКА
БАШЛАМИШНАВА

* * *
ИНДЕКС:
6 вацра - 51406

Г А З Е Т
райцентрдал почтамтда,
хуьрера адан отделенийра
подписка ийиз жеда.

* * *
ГАЗЕТДИН КЪИМЕТ
6 вацра - 141 манат.





КУЪРУЪ КЪЕЙД

ЗАБИТОВА Таира Наримановна 1971 – йисуз Советск хуьре къуллугъчидин хизанда дидедиз хъана. Хайи хуьре юкъван школа, гуьгъуьнлай ДГПУ – дин маса уьлквейрин чӀаларин факультет акъалтӀарна. Жегъил пешекарди вичин кӀвалахдин рехъ «Чубарук» тӀвар алай бахчада ингелис чӀалан малим яз башламишна. Са шумуд йисуз Советск хуьруьн юкъван школадани сифтегъан классра ингелис чӀалан малим яз зегъмет чӀугуна. 2013 – йисан июлдай Таира Наримановна Советск хуьре авай «Чубарук» бахчадин заведующий-виле тайнарна.

Вичин уьмуьрдин юлдаш Фахрудини галаз къуд велед тербияламишзава. ЧӀехи къеве веледди къилин образованиеяр къачунва ва гъвечли къведа гъеле школада клелзама. Хва Элмудина армиядин жергейра вичин пак буржи тамамарзава.

ПЕШЕДАЛ РИКІ ХЪАЙИЛА

СОВЕТСК хуьре авай «Чубарук» тӀвар алай бахча кардик кваз къанни цӀуд йисалай виниз я. Вад дестедикай ибарат тир, вишелей виниз аялар тербияламишзавай бахчада цӀудралди несилриз тербия гана. Бахчадин тӀвар гъамиша хъсанбурун жергеда хъун яргал йисара бахчадиз руководство гайи Г.Гъасановадин лайхлувал хъана. Къенин юкъуз ада кутур лайихлу адетар гила хъанвай заведующий Таира Забитовади давамарзава.

2013-йисан июлдиз бахчадин къиле ингелис чӀалан тарсар гузвай малим Таира Забитова тайнарна. Тербиячидин хизанда чӀехи хъанвай, пешедал, аялрал рикӀ алай Таира Наримановнади кӀвалахал атай сифте йикъалай авай шартӀар хъсанарунал, материалринни техникадин база мягкемарунал, тербиядин кӀвалахдин дережа хкажунал бахчадин, коллективдин кӀвалахда са жерге цӀийивилер тунал алахъна. И кар адалай алакъни авуна. Бахчадин драматдиз гъахъдайла авай дегълиз лап дар, къулайсуз чка тир. Ам чукӀурна цӀийи къилелей гегъеншдиз эхциг хъувуна, цӀийи рак, дакӀар кухтунвай, ачух экв аватнавай дегълизди, гъакӀ варцъй гъахъайла цуькверивди ацӀанвай гъаятди, аялар къугъун патал туькӀурнавай гъар жуьре перпилагри, ял ядай беседкайри бах-



чадин къамат михъиз дегिशарна. ЦӀийиз ахъайнавай алава дестеда вад касдиз кӀвалахдай чкаяр хъана. Бахчадин руководстводи къастунал кӀевивал авунин нетижада еке музыкальный зал эцигна. Чи бицӀекрин уьмуьрда жезвай шад вакъиаяр къиле тухудай гегъенш зал хъана. Гъелбетда и карда коллективдин, диде – бубайрин патай гайи куьмеқдин сан зурба я. М.Гъасаналиев, Р.Салманов, У.Усманов, Р.Керемов, Р.Гъасанов, Г.Салманов, Б.Бедуллаев, Л.Гъасанов, К.Керимов, В.Гъажиагмедов, Ф.Сайидова, Э.Кезимова, З.Хийирнабиев хътин ва са жерге маса диде – бубайрин куьмеқдалди, чпин такъатралди бахчада цӀийи зал эцигна ва шад галара ачухна. Коллективдайни и кардик

чпин лайихлу пай кутурбурни ава, амма виридан тӀварар къаз жедач, гъавилъй виридаз чухсагъул, аферин...

Жуван къеве веледни гъа и бахчада тербияламишнавай заз ана авай шартӀар лап мукъувай чизвай. Алай вахтунда кухняда хъиз, аялар тербияламишзавай дестейра, пекер, къапар чуьхуьзвай чкайра колонкаяр эцигна чими къайи ятар хъанва, пекер чуьхуьдай машин автомат кардик ква. Къене патара ремонтар авунва. Бахчадин чӀехи пай дакӀларар пластикадинбурал эвезнава. Медицинский кабинет михъиз ремонтна. Авунвай вири кӀвалахрин сан къунин чарасузвал авач.

И кӀвалахрихъ галаз тербия-



ПЕШЕДАЛ РИКИ ХЪАЙИЛА

2 ←

дин кваллахдани агалкьунар ава. «Виридалай хъсан тербиячи» райондин конкурсда иштиракай тербиячияр тир Т.Юлчиевадини З.Алимирзоевади лайихлу чкаяр кьуна. «Наша малая Родина» лишандик кваз феи республикадин конкурсдин райондин этапда иштиракай тербиячи Ф.Валиховадин кваллах призовой чкадиз лайихлу хъана. Ф.Валиховадини физрук Л.Мамедгъусейновади гъазурай аялар райондин спартакиадада гъалиб хъана.

Бахчада гъар сувариз талу-кьарнавай мярекатар кыле тухува. Т.Наримановнади регьбервал гузвай коллективди цийивилерихъ ялиз, тербиядин, чирвилерин кваллахда дегишвилер тваз алахънава. Им дугьриданни шадвал ийидай кваллах я. Абуруз кумекдин гъил яргъи ийизвай диде – бубаяр хъунал чна шадвалзава.

- Гъи кваллахда хъайитлани чаз кумек гузвай райондин руководстводиз, образованиедин управлениедиз чухсагъул лугъуз кланзава, - лугъуза «Чубарук» бахчадин заведующий Таира Наримановнади. - Идалай гъейри, жувахъ хъсан пешекарар, кваллахдин везифайрив жавабдарвилелди эгечизавай коллектив, къайгъудар диде – бубаяр хъайила члугур зегъметдини хъсан нетижаяр гузва.

Чаз чизвай вахтарилай гъамиша квенклевечи жергейра авай «Чубарук» бахчадин коллективди са куйникайни хабар авачир чи балайриз ацукьун – къарагъун, клел –кхъин чирзава, тербия гузва ва абур члехи умуьрдиз гъазурзава. Таира Наримановна хътин савадлу, сабурлу регьбер кыле авай и мягъкем коллективда анжах хъсан, дамахдай крар хъун чи мурадни я.

Сувар яз къейдзава

12- ИЮНЬ чна гъар йисуз официальный сувар яз къейдзава. 1992- йисан июндиз РФ-дин Верховный Советди къабулай Къарар гъа и кар патал бине хъана. А къарардал асаслу яз и югъ уьлкведин государстводин сувар- Аслу туширвилин югъ яз малумарнава.

Вири квелай башламиш хъана лагъайтла, гъеле 1990-йисан 12- июндиз РСФСР-дин халкъдин депутатрин Съезддин заседаниедал, гъар сада вичин тварни кьалуриз, сесер

кабрдин эхиррилай, СССР-дин сад лагъай ва эхиримжи Президент М. Горбачева вичин векилвилер хивяй акъудай члавалай, Россиядикай гъакъикъатдани аслу тушир государство хъана. Гъакъ хъайила, адахъ и цийи гъал тестикъарзавай талукъ тир государстводин лишанарни хъун герек тир. Гъа иниз клигна РФ-дин Верховный Советди 1992- июнь государстводин сувар- Аслу туширвилин югъ яз малумарна. Идан гуьгъуьналлаз вичи



гун патал государстводин аслу туширвилин гъакъиндай Декларация эцигна. Ам лап члехи пай депутатри сесер гуналди къабулнай.

РСФСР-дин государстводин аслу туширвилин гъакъиндай Декларация къабулай члавуз СССР чукулурун чарасуз тирдакай рикливай фикирзавай ксар тек-туьк авай. И фикир вич кылиз гъунни лап нагъакъан кар яз гъисабзавайди тир. Гъа са вахтунда чи зурба уьлкведа политикадин ва экономикадин жигъетдай дибдин реформаяр кыле тухунин чарасузвал авай.

Гъа члавалай инихъ 22 йис алатнаватлани, а вакъайрив эгечизавай тегъер гилани сад хътинди туш. 1991- йисан де-

СССР-дикай хкатнавай уьлкведин цийи статус тести-кьардай. РФ-дин цийи Конституция туькьурунин гъакъиндай къарар къабулна. Вири халкъди гъялайдалай гуьгъуьниз цийи Дибдин Закон 1993- йисан декабрдиз къабулна, гуьгъуьнин йисуз лагъайтла, Дагъустандин Конституцияни къабулна. Ада Россиядин Федерациядин кьакъудиз тежер пай яз республикадин статус тести-кьарна.

Алай вахтунда 12- июнь Россиядин Федерациядин государстводин аслу туширвилин гъакъиндай Декларация къабулай югъ яз гъисабзава, ам государстводин суварин югъ я.

М. ЖЕЛИЛ

«Рикни ният миъи тир и инсандин».

МИХЪИ КАС

КУЪН инжиклу тушга эгер, суьгбетни хуй, куьгне йисар ша са тимил эгьунин. И агьвалат Целегуьндал хьайид я, дуьз лагьайга, зун ина ваь, Магьарам-дхуьре хайид я. Желил буба вич целегуьнэгъли я. Кьисметди зун икI хьун патал юрдаривай кьакьудна. Хьсан хьана гьа и кардин кьисмет аваз Аллагьди зун Целегуьндал Желил буба лугьуз чидай заз а чIавуз 12-13 йисара авай гадайриз. Гагь-гагь чаз чи чIехибру «куьн дя-ведин аялар я» лугьудай. «Абур вучиз аялар я? Абур гьвечи лежберар я колхоздин», - бригадирри икI лугьудай чпин векьи ванцелди.

За винидихъ лагьайвал, Желил буба Целегуьнви я дибдай. Амма лугьун, садан кьилни акьатайд туш адай. Шумуд хуьре, шумуд кьивале, шумуд жуьре йикьар, йифер ада кечирмишнатIа. Ам суьт хьана авагьай, ам ксана кьарагьай вахт низ малум хьанатIа чир хьайид туш садаз-ни. Ваз лугьуз кIанз ви рикIик квай гаф-чIал аваз хьайитIа, лугьуз тахуй гадазни. Аян жедай адаз фикир чарадан.

Им сад лагьай гуьруьш я чи Желил бубадихъ галаз. Югь рагьдан-дихъ элкьвенвай. Чи колхоздин данаяр гваз, ацукь тийиз зунни чуьлда кьекьвезвай. Зун кьадарсуз галатнавай, ялай затI-матI хьаначIани, гьазур тир лап чилел ксуз, кьаравулда хьаначIани. Гьа и чIавуз зи вилериз, кам алай са кьакьан итим, чи кьвалерихъ кьвез акуна. Адан буйдал, зиреквилел, алукулнрал кьилел, кьвачел, юкьва авай гапурдални кьуьнуьхъ галай винтовкадал, иллаки звер ганвай яргьи спелрал гьейран хьана амукьна зун. Целегуьндал ихьтин итим, зун инаваз икьван чIавал, садрани заз акур тушир. Дуьз лагьайга, са легьзеда зи беденда гьатна зурзун.

Садлагьана рехъ дегишна, ам чи кьвалихъ кьвез акурла, биши ванцел за гьарайна: «Чи кьвалихъ са итим кьвезва, я диде!»

«Гила вучда, Муминат вах, итимарни кьивале авач, Желил буба кьвезва кьвализ, -кьалабулух акатна лап чи Жавгьарат халадик. И



Шейх Желил Буба

Тварун стха, Желил буба, миъи кас, Мукьвал-мукьвал хуькведа вун зи рикIел. Гьалтдач, заз чиз, нел хьайитIан инсан хас, Тимил ава вахъ галаз тIуьрбур фу, кьел. ТIушунна ви кьвачери рехъни палас Суьгьбетчи тир вун кьвалени, гьакI рекьел.

чIавуз ам гьахьнавай лап гьаятдиз.

-Вув, ам вуж я, КИри буба хьтинди? – акьатна зи дидедай.

-АкI лугьумир, хьсан кас я...

Квез саламу алейкум зи балаяр. Куьне кIусни тади мийир, хьсан вахт я зун атайди. Итимарни саламат хуй чеб гьа авай чкайра. КИрибба туш атанвайди, кьалабулух кьачумир. Зун са тимил геж хьиз кьвализ хуькведа. Фу, чай затIни герек жедач. Вуна, чан руш Жавгьарат, капI ийидай чка дуьзра бубадиз, зун ксуда. ИкI лагьана ам тади кваз куьче галайвал фена.

Ахвар галаз зи япари ванзавай. Желил буба хуькведай вахт чин тийиз, зи чкадал ксуз жезвачир завай. Зун фикиррик кваз Жавгьарат халади, заз мес раklarвай кьакьудна вегьена, мугьмандизни кьвалин кьиле мес вегьена, капI ийизвай чка-затIни туькIуьрна, пенжердаллай унугьлампа куькIуьрна, вич хьфена.

Са акьван вахт тефенмаз арадай, Желил буба, фейиди хьиз, вikleгдаказ хтана. Дуьз лагьайга, айвандикни ни квай са вуч ятIан чрадай.

-Ваь, ваь. Куьн инжикли хьана нагьахъ, недай-хьвадай затIни клан туш. Заз зи чка кьалура на, капI авуна кусудай.

Абур кьвализ гьахьайла, зун яргьандик кIев хьана. Салам гана мугьманди, салам кьуна дидеери.

-И месик вуж ксанва?

-Ам зи хва я, Желил буба. Гьадан тIварни Желил я. –Гирсидателдин гада я, калхуздин, -алава я халадин.

-ТIварцIел кьадимлу хуьрай, Аллагьди бахтар гурай. Квезни геже хийир хуй.

Кьуьне авар ужа эвел, юкьва авай гапур чилел эцигна, кьилел алай чIехи хьама, далудавай яргьи чухва кьуьнерихьай галудна, куьрелди вич кьезиларна, афтафадай яд иличиз лигендал вич чухьвена, ахпа ада яргьалди капI авуна. Ам кьарагьна, фена эвел лампадал, зун ахвара авачирди гьисс авурд хьиз фикир желбна ада зал, лап хуьуьлдиз хабар кьуна чиз зи гьал: «ТIварун стха, лампадин экв тадани?».

-Ваь, -лагьана за яргьандин кланикай.

ЯтIа ксуз, ширин, кьезил ахвар ая, буьгадин.

Зун экуьнахъ сятдин кьудаз кьарагьайла, Желил буба Аллагьди гуй...

Гьа чIавалай инихъ цIуд йис алатна. И йисара хайи хуьряй зун Муграгьиз акьатна. И хуьре за юкьван мектеб куьтягьна. Мад элкьвена хайи хуьруьз хтана. Са ийисалай, аскервилин буржи кьилиз тухун патал, са пуд йисуз зун кьушундиз хьфена. И буржини, заз кландайвал, аферин алаз фена.

Са сеферда, хуьруьн юкьвал, универмагдин вилик, кьватI хьанвай чун, армиядай хтай дустар, акуртакур ахьагьиз. Сад лагьана, гьич рикIелни аламачир касдин кьамат гадар хьана зи вилериз. Чими хьана ам зи рикIиз, чир хьхьана заз тадиз. Ишарадив салам гуз-гуз вичиз аквазвайбуруз, ам са хьен хьиз хкатна зи виликай гьахьна универмагдиз...

Желил буба чир хьхьана заз тадиз. ЦIуд йис идалай вилик за Зи-ядинан (Жавгьаратан) кьивале Желил бубадихъ галаз а йиф акьудай кьиса, алатнач зи рикIелай. Дуьз лагьайга, кьиса ваь, ам тир зи рикIин суза. А гафар тир зун патал виридалай рикI алай, и кьвед лагьай гуьруьш заз гьакI ахьагьиз

М. ЖЕЛИЛ

клан хъанач. Маса сефер жедачни? А гафар заз ван хъанач. Зунни гъадан гуьгъуьниз...

Магазинда ківалахзавай Сефибег, Ватандин Чехи дяведин ветеран, езне тир чи. Заз ам пара хуш инсан тир чил кърдалай инихъ ківачи. Гьикъван хъсан ихтилатар ийидай Желил бубадкай вичи.

Гьич садавни рахан тийиз, Желил буба акъвазнавай дезгедихъ. Якъин адаз са вуч ятлани кланзавай. Адан секинвал чурна за:

-Желил буба, салам алейк.

-Ва алейки салати ва салам, чан бубадин.

И арада Сефибегни агатна чав. Гьилер яна таниш хъана, кланидаклан хабар къуна. Ахпа ада Сефибегаз «са вад юк! агъ кланзава заз» лагъана.

-Желил буба, гьил къачуна на, ви вилик за чинин кевивал къалана. Са цлуд йисан идалай вилик Целегуьндал Зиядинан квалексай гьвечи лежбер...

-Яваш, яваш. Гаф атлун за. Тварун стха туширни? Шукур хъурай ви къадардиз, Йа Ребби. Им накъ хъайи са ківалах хъиз алама хъи рикел зи. Гьакъикъатда цлуд йис фенва уьмуьрдай. Маншаллагъ ви зигьиндиз, акъатнавач фикирдай...

И арада Сефибегни хтана.

-Желил буба, ваз клан хъайи им вад юк! агъ. Пул акъудмир. Вири хъанва, вири ганва.

-Вад-вад сефер вахкуда вав Аллагъди.

Иншаллагъ, Желил буба, вун къвез ая муквал-муквал, вун атун чи берекат я, вун акун гьам чи девлет я.

-Куьн Аллагъдал аманат хъуй, зун фида.

Алатна къвез йикъар-варцар, физва уьмуьр, адет тирвал, гьисаб тийиз гъатда йисар. 8-Мартдин югъ тир, къе дишегълийрин тир сувар. Медениятдин гъаятда ківат! хъанвай эркек-диши, къуша зурнейрин сесери япар ийизвай биши. Гъа и юкъуз, ша лагъай хъиз, хайи-къейидакай хкеч! тийидай, суварин югъ вичин яс хъиз гьисабдай Хейренсани атанвай.

Халкъар са гьал секин хъанвай арада, лап кици кър хътин савух, ван авуна дишегълийрикай сада.

-Я къей папар! Тланай къвезвай итим аку деве къван!

-Ви мез къат! хъуй, къей Хейренса, ам шейх Желил буба я. Ван хъанайтла вучдай вуну? Вуж вичикай рахайтла, яргъалайни ван жедайд я

а касдиз.

-Язук хъана гила зи, акакъ хъийидач ківализ.

Желил буба рехъ дегишна фена ам дуьз жемьт авай гъаятдиз. Хейрансандив агатна ам, декъикъада акъвазна ам тамашиз адан къайи вилериз.

-Дугъриданни, ви вилерай зун деве хъиз акъвазан?

-Вун гъавурда дуьз акъукъ, я халу...

-Зи вилериз дуьз акъваза, ви чин хъанва лап къалу. Дишегълидин чина авай ягъ акъатун, ам иблисдиз мукъва хъунин лишан я.

Желил буба экъеч! хъувуна рекъел, хандин мукъкъвай тлуз хъфена рехъ къуна. Зун гуьгъуьниз фенай адан лап мукъкъвел. Амма адан кам явашнач зун туна.

Желил буба неинки чаз са шейх яз, ам гъак! жерягъни яз чидай гъафбуруз чаз. Чахъ духтурар гъазурзавай дарманрал, азарлуьрин патарив физ, суваб патал сагъар хъийидай ада. Зун са шумуд ківализ фена, хуьруьз фена ада сагъвал гун хъувур. Къибле патан Дагъустанда ам тефей хуьр амач жед. Вич жерягъ яз, адаз теклиф тавур чка авач жед.

Ингъе, гьвечи са вакъиа хуьквезва мад рикел зи. Югъ нисинихъ агалтзавай, зун ківалевай юкъуз и чи квалерин вилик гьвечи са багъ квай. Лап виликдай, хусиятдин члавуз, адан иес тир Къади. Ахпа а чка иеси-суз яз амукъна, та-а атана советар чиклидалди. Им тарихдай квез са гьвечи юхлама.

Пудкъад лагъай йисаралди багъдин иес чи райкомдин къаравулчи ва фаргъунчи, вич Чепелви-чи хуьруьнви Загъир тир. Гила акакъна чун суьгъбетдин юквал. Вуж-вуж ятла чун сад-садаз хъанва чир. Зун айвандик, Загъир халу тутун тарак ксанва. Желил буба, заз чидай кас, сад лагъана багъдин юквал акъатна, чи квалерин къаншарда, Загъир халу хух ацалтна ксанвай тутун тарак акъвазна. Са тлимил амай гъарагъиз за: «Загъир халу» Къарагъа!»- хъанач завай, айибар тир. идлай гъейри, чавай чун авай яргъа.

Аян хъанатлан чидач, баян хъанатлан чидач, Загъир халу, киче хъайи аял хъиз, ахварикай хкатна, къарагъиз хъанач эвел, вилик квайди вуж ятла чир хъайила, ам хтана вич-вичел.

-Гьил къачу, чан Желил буба, зун даялмиш хъанвай тлимил.

-Айиб авач, айиб авач, я чан хва, гьил къачудай къван кар хъанвач. Акъ-

алдачни бес са вил.

За а члавуз мягътелвал ийидай са кар авай. Гъар вуж рахаз хъайитлани Желилав, адав анжах «буба» лугъуз рахадай. Гьвечи-чехи гъар сада зам адет яз аквадай. Амма гъар нив рахаз хъайитлани вич, «чан хва» лугъуз рахадай. Бязибуруз ам рахшанд хъиз аквадай. Са яшдавай инсанар ик! рахайла, сада «буба», сада «чан хва» лагъайла, ю чун гъавурда гъатдачир.

-Гила за ваз са суал гун, чан хва Загъир, на жаваб це?

-Башуьсте, чан Желил буба.

-И рехъ къуна фейитла зун, мумкин яни Абасан ківализ акъатун?

-Та-ак. Мумкин кар туш гьвечи хуьре алатун, мумкин кар я рекъей рекъиз акъатун. Ик! ая на. Экъеч! хъия шегъре рекъел. Акъатда вун «хандин мукъкъвел»...

-Ахпа анлай яргъарихъ ваъ, эрчи патахъ лап свасарин хивел къван...

-На зун вучиз яргъал рекъе твазва икъван? Гьил къачу на бубадила, ибур чидай рекъер-хулар я фадлай.

Желил буба рекъе гъатна члур кълубу галайвал. Загъир халу аламукъна, къурай къах хъиз алайвал. Зун патал им туьквей кар тир Желил буба аквадай, адахъ галаз рик! шад жедай къве келима рахадай.

Чи салавай гирведлай кам яна зун элясна.

-Желил буба, ваз нисинин хийирар хъуй.

-Хийирар ваз Аллагъди гуй. Целегуьндал хуьквезмач хъи?

-Мукъвал-мукъвал гьалтзава чун.

-Танишвилер квадриз тахъуй, суваб авай ківалах я.

-Гьелбетда. Мисклиндивай фидани чун Абас халудин ківализ.

-Ваз гьик! чида зун физватла гъа ківализ?

-Загъир халудихъ галаз вун рахадайла, зун чи айвандин къилевай. Заз хъсандиз ван хъана. Гъавилъяз заз, суваб патал, ваз кълуб гъуз клан хъана.

-Аферин, хва, аферин. Ви къатлунрал гъейран я зун, икъван тамам ва дерин.

(Эхир къведай нумрада).

В ПРОКУРАТУРЕ РАЙОНА

Возбуждено уголовное дело

ПРОКУРОРСКОЙ проверкой установлено, что Бабаев Аташ Закариевич, зарегистрированный в с. Бутказмаляр Магарамкентского района, согласно похозяйственным книгам сельской администрации и сведениям Росреестра не имеющий в собственности жилого помещения на территории СП «село Бутказмаляр», получил заведомо подложную справку № 156 от 22.04.2015 в филиале по Магарамкентскому району ГУП «Дагтехинвентаризация» о наличии до владения в с. Бутказмаляр Магарамкентского района.

В последующем, 22.04.2015 Бабаев А.З. предъявил названную подложную справку в государственный орган – МРО УФМС России по Республике Дагестан в Магарамкентском районе, в целях получения определенного права – закон-

ного основания для оформления разрешения на временное проживание и видов на жительство сроком на три года для своей супруги – Бабаевой Франгиз Микаил Кызы, 1954 г.р., гражданки Азербайджанской Республики, в вымышленном жилом помещении в с. Бутказмаляр Магарамкентского района, собственником которого он не является.

По материалу доследственной проверки, направленного прокурором в орган предварительного следствия для решения вопроса об уголовном преследовании, постановлением от 01.06.2016 дознавателя ОМВД России по Магарамкентскому району в отношении Бабаева А.З. возбуждено уголовное дело по признакам преступления, предусмотренного частью 3 статьи 327 УК РФ (использование заведомо подложного документа).

М. КАЗИАХМЕДОВ,
прокурор района, старший советник юстиции.

ПРОКУРАТУРОЙ района проведена проверка по обращению Улубекова Ш.И. о нарушении земельного законодательства и порядка рассмотрения обращений граждан Российской Федерации.

Проверкой установлено, что 21.03.2016 Улубеков Ш.И. обратился к главе администрации сельского поселения Новофиля Эмиргамзаеву А.М. с заявлением о нарушениях земельного законодательства.

Главой сельского поселения в нарушение требований п. 1 ст. 12 Федерального закона от 02.05.2006 № 59-ФЗ «О порядке рассмотрения обращений граждан Российской Федерации» обращение не рассмотрено и ответ не дан, также

Проверкой установлено

срок рассмотрения обращения не продлен, уведомление о продлении срока рассмотрения обращения Улубекову Ш.И. не направлен. По данному факту прокуратурой района 19.05.2016 возбуждено производство об административном правонарушении, предусмотренном ст. 5.59 КоАП РФ, в отношении главы сельского поселения «село Новофиля» Эмиргамзаева А.М. которое направлено мировому судье с/у № 122 Магарамкентского района.

М. КАЗИАХМЕДОВ,
прокурор района, старший советник юстиции.

ГЪИЛ-ГЪИЛЕВАЗ ЗЕГЪМЕТ ЧИГУРЛА

РАЙОНДА аялрин йикъаз талукарна тухвай мярекатрин арада Магъарамдхуьруьн почтамптдин коллективди тухвай мергьяматлувилин акцияди къетлен чка къуна. Акция акъалтзавай несилдин фикир хайи члалал желб авунин ва аялар патал акъудзавай «Кард» журналдин тираж хкажунин мураддалди кыле тухвана. Нетижда гъа и юкъуз 60 журнал подписка авуна. Хайи лезги члалал акъатзавай газетрин, журналрин подпискадин месэла хцибурукай сад хъуниз килигна чи корреспондент Афисат Айдемирова Магъарамдхуьруьн почтамптдин начальник Людмила Алиметовадихъ галаз гуьруьшмиш хъана ва адаз са шумуд суал гана.

- Людмила Ибадуллаевна, куьн и къуллугъдал тайинарна са акъван вахт хъаначтлани, гъам идарада, коллективда,

**КУЬРУЬ КЪЕЙД**

Алиметова Людмила Ибадуллаевна 1955 – йисуз Магъарамдхуьре къуллугъчидин хизанда дидедиз хъана. Хайи хуьруьн юкъван школа, ДГУ – дин экономический факультет акъалтларай пешекарди вичин зегъметдин рехъ С.Стальский райондин казначействодин начальниквилелай башламишна.

Гуьгъуьнлай Дагавтодордин отделдин начальник яз, Россельхозбанкдин алава офисдин управляющий яз ва са жерге маса къуллугъар авуна . 2013 – йисалай Магъарамдхуьруьн почтамптда сифте начальникдин заместитель яз, 2015 – йисалай начальник яз зегъмет члуьгъазва. Людмила Ибадуллаевнадихъ мягъкем хизан ава.

ГЪИЛ ГЪИЛЕВАЗ ЗЕГЪМЕТ ЧІУГУРЛА

6 ←

КІВАЛАХДА АКВАДАЙ ДЕГИШВИЛЕР АРАДАЛ АТАНВА. И ЖИГЪЕТАЙ КВЕВАЙ ВУЧ ЛУГЪУЗ ЖЕДА?

- Жуван ківалах сифте нубатда ківалахдин дисциплина, коллективда сигъ алакъяр хуьнилай, гъар са работник вичин везифайрив жавабдарвилелай эгечунилай башламышна. Хъсан пешекарар авай коллективда къайдадик квай ківалах тешкилна ва гъар са камуна къастунин клевивал авун истемишна. Ихътин зегъметди хъсан нетижайрихъ гъана. 2013 – йисалай Магъарамдхуьр, Докъузпара, Ахцегъ, С.Стальский, Къурагъ, Агъул, Хив ва Рутул районриз къуллугъзавай Магъарамдхуьруьн почтампт алай вахтунда ківенквечийрин жергеда гъатнава. Муьжуд райондиз къуллугъ авун, районрин ОПС (отделение почтовой связи) –рин ківалахдал гуьзчивал тухун ва идахъ галаз сад хъиз республикадин почтамптрин арада кыле физвай конкурса, спартакиадаира иштиракун, ківалахдин рекъяй вири къалурунрай вилик хъун – им коллективдин гъакъисагъ зегъметдин нетижа я. Алай йисуз чи операторар тир Р. Ражабовазни К.Бабаевадиз (Рутул ва С.Стальский районар), Хивдин ОПС – дин начальник Р.Рашидоваз ва са жерге маса работникриз Россиядин почта ФГУП- дин Гъуьрметдин грамотаяр гана. Майдин вацра Ставрополда «Почтадин алакъядин виридалай хъсан отделение» лишандик кваз кыле фейи межрегиональный конкурса Хивдин ОПС – дин начальник Р.Рашидов 3 – чкадиз лайихлу хъана. Гъа и вацра почтайрин работникрин профсоюзди республикада тухвай спартакиадада чи коллективди 2 – чка къуна.

- Йисан къвед лагъай паюннин подписка гъикі кыле физва ?

- Зи рагъметлу бубади са шумуд йисуз республикада акъатзавай лезги газетдин редактор яз ківалахнай. Чаз аял вахтунилай жуван хайи чіалаз гъуьрмет авун, дидедин чіал хуьзвай гъар са ківалахдиз къуват гун адетдиз элкъвеная ва къенин юкъузни чун гъа адетар хуьнин терефдарар я. Къенин юкъуз подпискадин ківалах гзаф четиндиз кыле физва. Йисан сифте кыляй гъужум авунин нетижада арадал са вуч ятлани жезва, амма йисан къвед лагъай паюна подпискадин месэла чун патал имтигъандиз элкъвезва. Жуван лезги чіалал акъатзавай «Самурдин сес», «Лезги газет», «Самур», «Дагъустандин дишегъли», «Кард» ва са жерге маса газетар, журналар кхьин тавун айиб я. Фикир гайила, пудкъад агъзурдилай алатна агъалияр авай районда 1 000 касди ва ціуд агъзур авай гъвечи райондани 1000 касди газет кхьин зигиндивай къабул тежедай крар жезва. Подпискайрин рекъяй чун республикада ківенквечи чкадал алатлани и месэладай четинвилер гзаф ацалтзава. Лезги лагъай тівар алай гъар са касди, хайи чіалал акъатзавай газетдиз, журналдиз, театр диз къуват гун патал чпин пай кутунин чарасузвал гъамиша авайди я. «Тек капуну ван ийидач», - лугъуда бубайрин мисалди. Ша чна ата бубайрилай атанвай тарих, хъсан адетар давамарин, хайи чил, чіал патал чіугур зегъметар квадар тийин. Нубат алачир рекъериз чна гъакъван къвед, пуд къатар харжзава, амма чи миллет, культура къалурзавай ихътин важиблу крар фикирдай акъудзава.

Инал завай С.Стальский ва Ахцегъ районрин руководствойрин тіварар къун тавуна акъвазиз жедач. Гъар йисуз и районрин руководителри чеб кыле аваз и месэладив тамамвилелди эгечізава ва кыле къур

ківалах кылиз къван акъудзава. Ихътин иштираквал амайбурун патайни хъанайтла чи ківалах мадни вилик фидай. Гъелбетда лезги газетдин тираж бегъем хкажиз алакъянаватлани чун секин акъвазнавач. Алатай йисарив гекъигайла вири къалурунрай чун вилик ква. Алай йисан 1-паюна 24 848 касди газет подписка авунва ва абурукай 2100 журналар я. Доходрин рекъяй тамамарнавай пландин къадар виш процентдилай алатнава. Россиядин почта ФГУП -дин Дагъустанда авай управлениедин куьмекдалди ва жуван такъатралди идарадин дараматар ремонтнава, ківалахдай къулай шартлар тешкилнава. Гъар сувариз махсус школа – интернатда авай аялрин патав физва, чалай алакъядай пишкешар гузва. Гзаф аялар авай дидеярни фикирдай акъудзавач. Гъабуровни чи гъил агакъзава. Са жерге акцияр кыле тухузва.

Россиядин почта ФГУП – дин Генеральный директор Д.Е. Страшнов чи республикадиз, райондизни мугъман хъана.

-Чи чіехи уьлкведин вири пиплериз фейи заз, кыible патан халкъдихъ хътин культура, мергъяметлувал, зегъметкешвал, ватанпересвал ва атай мугъман къабулзавай адетар санайни ачунач, - лагъанай Дмитрий Евгеньевича. Магъарамдхуьруьн почтамптдин ківалахдиз лайихлу къимет гана.

-Людмила Ибадуллаевна, вири хилерай ихътин агалкъунар хъун сифте нубатда куь ва куьне регъбервал гузвай коллективдин лайихлувал я. Къуй идалай къулухъни квехъ ківалахда хъсан агалкъунар, уьмуьрда хушбахтвал хъурай !

ФУТБОЛ - 2016



АДЕТ ХЪАНВАЙВАЛ, чи республикада футболдай сад лагъай чка патал килин лигадин футболдин командайрин арада первенство киле физва. И акъажунра Магъарамдхуьруьн «Леки» командадини иштиракзава ва ам, гъамиша хъиз, женгинин кивенкве ава.

4- июлдиз «Леки» команда 8- турда Махачкъала шегьердин «Судостроитель» командадихъ галаз гуьруьшмиш хъана. 90 декьикада давам хъайи къати женгина 3:4 гьисабдалди «Леки» гъалиб хъана.

Алай вахтунда Дагъустандин килин лигадин первенство Рамазандин сивер хуьнин варз хъуниз тамашна вахтуналди акъвазарнава.

Агъадихъ, чна куь фикирдиз первенстводин турнирдин таблица гузва.

	КОМАНДЫ	И	В	Н	П	ГОЛЫ	О
1	"Леки" (с.Магарамкент)	8	6	2	0	21:3	20
2	ФК "Хасавюрт" (г.Хасавюрт)	8	5	3	0	18:6	18
3	"Легион" (г.Махачкала)	7	5	2	0	29:3	17
4	"УОР" (г.Каспийск)	8	5	0	3	11:9	15
5	«АСК им. Джарулаева» (с.Ашагастал)	8	4	1	3	20:21	13
6	"Даймохк" (г.Хасавюрт)	8	3	1	4	13:15	10
7	"Юлдуз" (с.Бабаюрт")	8	3	1	4	10:15	10
8	"Нарын-кала" (г.Дербент)	8	3	0	5	15:30	9
9	"Судостроитель" (г.Махачкала)	8	2	2	4	19:16	8
10	"Шавла"(с. Костек)	7	2	0	5	12:22	6
11	"ДЮСШИВ" (г.Избербаш)	8	1	2	5	10:27	5
12	"Автомобилист"(г.Кизилюрт)	8	1	0	7	12:23	3

Положение команд на 5 июль 2016 год.

И- игры, В- выигрыши, Н- ничьи, П- поражения, О- очки.

ЧИ ЛЕЗГИ ХВА - МАД ГЪАЛИБЧИ



ДЗЮДОДАЙ Гран-при сериядин турнирда чи районгъли Ренат Саидова кве йис идалай вилик 1- чка къунай. И акъажунра Ренат Саидова 6 секундда гъалибвал къазанмишуналди цийи рекордни эцигнай.

И йикъара Испанияда дзюдодай киле феи Европадин кубокдин акъажунра чи кьеггал хва Ренат Саидов мад гъалибчи яз экъечна, къзилдин медал къазанмишна.

Акъажунра 26 гьукуматдай 255 спортсменди иштиракна. Россиядин хянавай командадик вад къзилдин ва гимиддин медалар къазанмишнавай 14 спортсмен квай.

100 кг.виниз тир заланвилин категориядай татамидал экъечай, 2014 - йисан дуьньядин чемпионатдин буьруьнж медалдин сагиб Ренат Саидова Франциядай тир Месси Катангудин, Седрик Медеуфан, кюьд сеферда Испаниядин чемпион тир Анхел Паррудин ва финалда 2013 – йисан Европадин чемпионатдин 3 – призер, Франциядай тир Жан – Себастьян Бонвоисинадин винел гъалибвал къазанмишна.

Чи командадик квай Эльбрус Заманова вичин заланвилин (60 кг) категориядай буьруьнж медал къачуна.

Килин редактор
А. А. ИСМАИЛОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
Индекс 63340. Тираж 1668.
Заказ № 24.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+